

Nuolggadusat ovddidan- ja investerendoaibmabijuide duojs 2016

Ulbmilolahusa mihttomearit ja eavttut.

Mihttomearri:

Ulbmil lea ovddidit duoji ealáhussan iežas buvttaduvvon gálvvuid buoret gánnáheamiin ja stuorát jođuin.

Ulbmilolahusa dovdomearkkat:

- Buoret gánnáheapmi duojs
- Stuorát johtu iežas buvttaduvvon gálvvuin
- Ovdánahttit duoji ealáhussan

Hálddašeapmi

Doarjjahálddašeapmi galgá čađahuvvot Stáhta ekonomijastivrema njuolggadusaid vuodul, ja Sámedikki bušeahta vuodul.

Sámediggi hálddaša ohcanvuđot doarjjaortnegiid hálddašanlága vuodul.

Eanjkilmearrádusaid mat leat dahkkon dán njuolggadusa mielde, sáhtta váidit Sámedikki váiddalávdegoddái, gč. hálddašanlága 28.

Doarjjaoažžut/Gii sáhtta ohcat:

- Duojárat geain lea iežaset doaibma
- Duodjedoaimmaid ásaheaddjit
- Duodjeorganisašuvnnat ja earát geat láchčet diliid duodjeealáhusa ealáhusovddideapmái
- Joatkkaskuvlaoahppit geat:
- Jo1:s váldet Designa ja giehtaduoji. Gáibádus lea ahte oahppi galgá čiekruđit gelbbolašvuodamihttomearrái mii guoská duoji oahppoplánii – oahppu fitnodagas. Duodji galgá leat váldooassi prográmmafágain
- Jo2:s váldet Designa ja duoji olles áiggis. Duodji galgá leat váldooassi prográmmafágain

Norgga studeantta geat váldet:

- Ollesáiggi duoji Sámi áhpádušguovdásjis Johkamohkis
- Ollesáiggi duoji bachelor- ja masterdásis

Ohcanáigemearri

li leat.

Ohppiid/studeanttaid hospiteremii ja stipendii lea čuovvovaš ohcanáigemearri: 25.2.2016.

Gáibádus ohcamii

Doarjjaohcan galgá leat beaiváduvvon ja vuolláičállojuvvon. Sus guhte vuolláičállá ohcama, galgá leat fápmudus geatnegahttit fitnodaga/ásahusa jna. Ohcan berre leat čállojuvvon Sámedikki ohcanskovvá.

Sámediggi
Áyivárggeaidnu 50
9730 Kárašjohka

telefuđna: +47 78 47 40 00
www.samediggi.no
samediggi@samediggi.no

Ápningstider:
Mandag - Fredag
08:00-15:30

Ohcci lea geatnegahttojuvvon almmuhit buot daid dieđuid mat dárbbášuvvojit ohcama meannudeapmái, maiddáid dieđuid vejolaš eará almmolaš doarjagiid birra.

Buot prošeaktaohcamiin galgá hábmejuvvot bušeahtta mii čájeha gollomerošallama mat gusket doibmii ja ruhtadanplána ja prošeaktačilgehusa mas bohtet ovdan prošeavtta mihttomearit, ulbmilat, boađusmihtut, fágalaš sisoallu, ovdánanplána oktan áigemeeriiguin ja prošeavtta čađahanvejolašvuohta.

Meroštallannjuolggadusat

Sámediggi sáhtá váikkuhit čuovvovaš doaibmabijuid ruhtadeami:

Ovddidan- ja investerendoaibmabijus duojs:

- Váikkuhit fysálaš investeremiid ruhtadeami
- Váikkuhit fitnodatovddideami ruhtadeami nugo buvttaovddideami, konsuleanta veahki,
- márkanaanálisa ja vuovdin- ja vuovdalandoaibmabijuid
- Váikkuhit duodjekurssa ruhtadeami
- Váikkuhit hospiterema ruhtadeami
- Álggahanstipeanda ja stipeanda ohppiide ja studeanttaide geat váldet duodjeoahpu olles áiggis
- Váikkuhit gelbbolašvuođa bajidandoaibmabijuid ruhtadeami

Prošeavttaid dahje doaibmabijuid doarjagiid vuolimus rádjá lea 30 000 ru. Almmolaš doarjagat eai sáhte oktiibuot leat eambo go 60 % prošeavtta/doaibmabiju rehketdoallofievrriduvvon goluin. Sámediggi ii leat mielde ruhtadeamen prošeavttaid maid gollomeroštus lea eanet go 7 500 000 ru. I samarbeidstiltak av stor betydning for den samiske befolkning kan det gis tilskudd inntil kr 600 000.

Investeren- ja ovddidandoaimmaide sáhtá juolluduvvot gitta 50 % rádjai doarjja dohkkehuvvon goluin, eanemus doarjja lea 500 000 ru.

Buvttaovddideami oktavuodas sáhtá geavahit gitta 12 000 ru rádjai mánus eallingoluide ja doarjjasturrodat lea 60 % goluid ektui

Álggahanstipeanddaide gusto čuovvovaš:

Sáhtá addit stipeandan eanemusat 75 % dohkkehuvvon goluin, gitta 200 000 ru rádjai. ležas bálká sáhtá leat gitta 12 000 ru rádjai mánnui. Plánemii ovdal fitnodatálggaheami (ovddidanmutter) sáhtá addit doarjaga iežas bálká eanemusat 6 mánu ovddas, ieš álggaheami oktavuodas (álggahanmutter) eanemusat 12 mánu ovddas. ležas bálká sáhtá uhciduvvot jus sus gii oazžu stipeandda, lea eará sisabohtu stipeandaáigodagas.

Duodjekursa ja gelbbolašvuođa bajidandoaibmabijuid:

Stuorámus doarjja lea gitta 500 000 ru rádjai. Almmolaš doarjja oktiibuot ii sáhte leat badjel 75 % prošeavtta rehketdollui fievrriduvvon goluin

Definišuvnnat.

Doaibmavuđot gollun oaivvilduvvojit: rehketdoallo- ja revišuvdnamáksu, reantogolut, divadat, eará finánsagolut, vearro- ja divatgolut, el-rávdnji, latnjagolut, dáhkádušat, penšuvdnagolut, sosiála golut, eará bargiidgolut, stivrabálkkázat, stivrágolut, fitnodatčoahkkimat ja válđočoahkkimat, árvvohuhttimat ja árvovuolideamit.

Sosiálagollun lohkkovuojoit: bargiid skeaŋkkat, bargiid kurssat, friija kantiidna ja eará sullasaš ovddut.

Vuojániin oaivilduvvojit: Vuojánat 2. kapihtalis FOR-1994-10-04-918 Láhkaásahus teknihkalaš gáibádusaide ja vuojániid, osiid ja rusttegiid dohkkeheapmi (Forskrift om tekniske krav og godkjenning av kjøretøy, deler og utstyr (kjøretøysforskriften)).

Ohcamiid árvvoštallan ja vuoruheapmi daid gaskkas

Lassin Sámediggebušeahta vuoruhemiide árvvoštallojuvvo ohcan ekonomalaš, márkaniidguoski, teknihkalaš, servodatlaš ávkki, fágalaš ja eará guoskevaš beliid vuodul.

Ohcamiid meannudeami oktavuodas sáhtá Sámediggi árvvoštallat nagoda go ohcci ekonomalaččat čadahit proševtta. Sámediggi sáhtá viežžat kredihtadieđuid ohcci birra.

Golut mat eai leat doarjjavuoigadahttojuvvon.

Doarjja ii addojuvvo dása; Vuojániidda, gálvogoluide, divodeapmái, doaimmahangoluide, sosiála goluide, doaibmabijuide mat sáhttet botnjat gilvvu, láigovistiide, vuorkálanjaide ja áittiide, opmodatoastimiidda, leasemii ja buhtes lonuhemiide, bálkágoluide, vuodđooahpahussii ja doaibmabijuide maid almmolaš bušeahtapoasttat gokčēt. Oassálastin earjkkurssaide, semináraide ja konferánssaide eai ge leat doarjjavuoigadahttojuvvon.

Iežas bargu ii sáhte leat eanet go 20% dohkkehuvvon goluin. Iežas bálká ja láigoheapmi iežas rusttegiin ii sáhte leat eanet go márkanhaddi. Gáibiduvvojit vuolláičállojuvvon diibmolisttut. Iežas barggu viidodat galgá árvvoštallojuvvo ohcama oktavuodas ja válddahuvvot ohcamis. Sámediggi árvvoštallá iežas barggu juohke ohcamis sierra, dát guoská maid gáibádussii iežas oasis ruhtadeamis.

Oppalaš eavttut:

Fitnodagat, institušuvnnat ja organisašuvnnat mat ožžot doarjaga, galget leat registrerejuvvon Ovttatregistarii Norggas.

Ásahuvvon fitnodagat mat ožžot doarjaga galget sáhttit čájehit buori fitnodatekonomalaš ovdáneami. Doaimmahagat galget doaibmat gustovaš lágaid ja njuolggadusaid mielde, dasa gullet maid vearro-, divat- ja rehketoalloláгат.

Ohccis galgá dohkálaš fágagelbbolašvuohta áigeguovdilis oahpu bokte ja bargovásihusaid bokte.

Doaibmabidju ii sáhte leat čadahuvvon dahje álggahuvvon ovdalگو Sámediggi lea ožžon ohcama.

Maŋŋá doarjjamearrádusa sáhtá leat váldonjuolggadus ahte ii addojuvvo eanet doarjja seamma doaibmabidju/prošektii

Duodjekurssaide ja gelbbolašvuođa bajidandoaibmabijuide leat dát eavttut:

Ohcamis galgá boahin ovdan ahte kursaoahpaheaddjis lea dohkálaš fágagelbbolašvuohta nugo relevánta oahppu ja/dahje fidnovásihus.

Čuovvovaš dieđut biddjojuvvojit ohcama mielde:

- Kursaplána mas lagat čilgehus doaibmabiju birra

- Áigeplána goas ja gos kursa galgá dollojuvvot
- Man ollu kursadiimmut
- Ulbmil
- Bušeahtta- ja ruhtadanplána
- Oasseváldilista
- Duodjekurssas fertejit leat unnimusat 5 oasseváldi.

Hospiteren:

Hospiterema oktavuodas sáhtá Sámediggi juolludit gitta 75 % rádjai dohkkehuvvon gollogeahčastagas, doarjja lea eanemusat 72 000 ru.

Hospiterema oktavuodas sáhtá oažžut gitta 12 000 ru rádjai mánuš eallingoluide. Duodjefitnodat sáhtá oažžut gitta 12 000 ru rádjai doarjaga mánnui.

Hospiteren sáhtá leat gitta 3 mánu. Doarjja sáhtá addojuvvot gitta viđa šiehtadussii jagis dahje dassáži go rámma 200 000 ru lea olahuvvon.

Hospitánta galgá leat ovddasvástideaddji ohcci dán ortnegis

Hospitánta ja hospiterenfitnodagat fertejit leat registrerejuvvon Brønnøysund-registariin sierra duodjefitnodahkan. Julev- ja máttasámi guovllus sáhttet vuorasolbmot vaikko eai leat registrerejuvvon Brønnøysund-registariin doaibmat hospiterenfitnodahkan.

Ohccit geat ožžon njuolggodoarjaga dahje ožžot doarjaga fidnoahppiortnega bokte eai sáhte ohcat doarjaga dán ortnegis.

Doarjja ii sáhte addojuvvot hospiteremii lagaš fulkkiid luhtte. Lagaš fuolkin oaivvilduvvojit fuolkkit bajás dahje vulos guvlui linnjás dahje oappázagat.

Ferte čállojuvvot bargošiehtadus hospitántta ja hospiterenfitnodaga gaskka ja goappašagat bealit galget dan vuolláičállit.

Čuovvovaš dieđuid ferte bidjat ohcama mielde:

- Hospiterema ulbmil
- Bargamušaid válddaheapmi
- Bargoáigi
- Man guhkká bistá ja áigeplána goas ja gos hospiteren čađahuvvo
- Gollogeahčastat

Álggahanstipeanddaide gusto čuovvovaš:

Álggahanstipeanda sáhtá addojuvvot plánemii ovdan fitnodatálggaheami (ovddidanmuttus) ja ieš álggaheapmái (álggahanmuttus). Ii sáhte ohcat stipeandda goappašiid muttuide oktanaga. Go álggahanstipeanda lea addojuvvon ovddidanmuddui, de dat galgá leat loahpahuvvon ovdalgo sáhtá ohcat stipeandda álggahanmuddui. Álggahanstipeandda ii sáhte dábálaččat ovtastahtit eará investerendahje ovddidandoarjagiin Sámedikkis.

Stipeanda sáhtá addojuvvot eallingoluid gokčamii (iežas bálkái), konsuleantaveahkkái márkaniskkadeami ja eará fitnodatplánema oktavuodas, oahpahussii, geahčalanbuvttadeapmái, mátkegoluide, uhcit investeremiidda, láigohuvvon veahkkái dahje sadjásažži, ja eará goluide mat lunddolaččat gártet ovddidan- dahje álggahanmuttus. Golut divadiidda jna. almmolaš instánsaide eai gokčojuvvo.

Stipeanda ohppiide ja studeanttaide geat váldit duoji olles áiggis:

Doarjja sáhtá addojuvvot eanemusat 10 000 ru oahppi nammii joatkkaskuvladási ohppiide ja 20 000 ru allaskuvla- dahje universitehtadási studeanttaide.

Váldonjuolggadussan lea ahte stipeanda ii addojuvvo seamma fágii eanet go oktii.

Oahpahusasahusat gos guoskevaš lea oahppin dahje studeantan galgá duođášit ahte vuolábealde namuhuvvon gáibádusat leat ollašuhhtton.

Joatkkaskuvlla oahppit galget bidjat mielde čuovvovaš dieđuid ohcama mielde:

- Dieđut ahte oahppi lea ollesáiggi oahppi dakkár oahppoásahusas mii lea dohkkehuvvon dan ektui ahte oahppit ožžot oahppodoarjaga Stáhta oahppoloatnakássa bokte.
- Duođáštus oahppoásahusas oahppistáhtusa ja duoji oahpahusa birra dahje Norgga studeanttaide geat váldet birrajagi duoji Sámi oahpahusguovddážiis Johkamohkis

Studeanttat galget bidjat mielde čuovvovaš dieđuid ohcama mielde:

- Dieđut oahppočuoggáid birra lohkanbajis
- Duođáštus ahte lea máksán lohkanbadjedivada dahje duođáštus ahte lea dieđihan eksámenii
- allaskuvllas dahje universitehtas.

Dieđiheapmi ja eavttuid dohkkeheapmi.

Doarjjaoažžu galgá 5 vahkus sisa doarjjareivve dáhtona rájes čálalaččat dieđihit ahte dohkkeha go doarjjaeavttuid. Jos Sámediggi ii oaččo vástádusa eavttuid dohkkeheamis, sihkkovuvvo doarjja almmá duođi eanet dieđitkeahhtá. Sus guhte vuolláičállá ja dohkkeha eavttuid ferte leat fápmudus geatnegahttit fitnodaga/ásahusa jna.

Doarjjaoažžu ii sáhte čađahit mearkkašahtti rievdadusaid guoskevaš proševttas dahje doaibmabijus ovdalgo lea čálalaččat dieđihan Sámediggái ja ožžon Sámedikki čálalaš dohkkeheami. Dohkkehuvvon ruhtadanplána ja gollomeroštallama rievdadeapmi adnojuvvo álo mearkkašahtti rievdadussan.

Gárvvistan-/raporterenáigemearri

Prošeakta galgá leat gárvvistuvvon guovtti jagi siste doarjjareivve beaivádeami rájes.

Erenoamáš ákkaid vuodul sáhtá doarjjaoažžu čálalaččat ohcat maŋidit áigemeari gárvvitiit proševtta/doaibmabiju. Ohcan galgá vuodustuvvot.

EØS-njuolggadusat.

Sámedikki doarjjaortnegat fertejit leat EØS-šiehtadusa stáhtadoarjjanjuolggadusaid rámmaid siskkobealde. Sámediggi lea, seamma lágai go stáhta-, gieldda- ja fylkkahálddašeami eará oasis ge, čadnojuvvon EØS-šiehtadusa mearrádusain dan birra ahte sáhttit addit almmolaš doarjaga.

Doarjja sáhtá muhtin áššiin juolluduvvot EEO- šiehtadusa njuolggadusaid mielde mat gusket mearkkašmeahttun doarjagiidda. Mearkkašmeahttun doarjagiid njuolggadusat čuvvot lágkaásahusas beaiváduvvon skábmamánu 14.b. 2008 nr. 1213. Dáid

njuolggadusaid mielde ii sáhte doarjjaoažžu oažžut mearkkašmeahtun doarjaga mii lea oktiibuot 200 000 Euro golmma rehketdoallojagi sisa.

Ovdal go doarjja sáhtá máksjuvvot, de ferte doarjjaoažžu duođaštit Sámediggái ahte ii leat ožžon mearkkašmeahtun doarjaga eará gálduin máksin jagis dahje guovtti ovddit jagis, mat ovttas Sámedikki doarjagiin leat gaskamearalaččat badjel 515 000 Norgga ruvno. Vejolaš odđa almmolaš doarjagiid ohcamiin (vaikko makkár eará doarjjagáldus), geatnegahttojuvvo ohcci addit dieđuid dán doarjaga birra. Dieđihangeatnegasvuohta gusto golbma rehketdoallojagi fálaldatáiggi rájes.

ESA sáhtá geatnegahttit Sámedikki gáibidit doarjaga ruovttoluotta jos doarjjaoažžu ii geavat doarjaga dan ulbmilii masa lea addojuvvo.

Raporteren ja máksin

Doarjjaoažžu ferte doarjaga máksima várás sáddet Sámediggái máksinávžžuhusa, muđui dan ii sáhte máksit. Sus guhte vuolláičállá máksinávžžuhusa ferte leat fápmudus geatnegahttit fitnodaga/ásahusa jna.

Doarjaga máksin dáhpáhuvvá čuovvovaš eavttuid mielde:

Ohppide ja studeanttaide máksjuvvo doarjja go mearrádus lea dahkkon.

Doarjagiidda fysihkalaš investeremiidda. Máksjuvvo ollásit go dohkkehuvvon duođaštus biddojuvvo ovdan. Vuodustuvvon ohcama vuodul sáhtá oassi doarjagis máksjuvvot.

Eará doarjagiidda: Go buktá máksinávžžuhusa, de sáhtá Sámediggi máksit 50% go prošeakta/ doaibma biddjo johtui. Loahppa 50% máksjuvvo go prošeakta/ doaibma lea gárvvistuvvon ja:

Doarjjaoažžu galgá árvvoštallat ulbmilolahusa ja beavttu mii doaibmabijus lea leamaš, ohcama mihttomeriid ektui. Árvvoštallamis galgá maid čilget movt prošeakta lea váikkuhan olahit doarjjaortnega mihtuid. Sámedikki raporterenkovvi galgá geavahuvvot.

Duođaštuvvon prošeaktarehketdoallu. Prošeaktarehketdoallu galgá čájehit obbalaš goluid ja sisaboađuid. Doarjjaoažžu geat leat registrerejuvvon momsaregistarii, galgá rehketdoallu čájehit goluid ja sisaboađuid earret momssa. Jus loahpalaš golut prošeavtta/ doaibmabiju rehketdoalus leat unnibut go dohkkehuvvon gollomeroštallamis čuožžu mearrádusreivves. De sáhtá Sámediggi vuolidit doarjaga vásttolaččat.

Doarjagiidda mat leat vuollel 200 000 ruvno, lea doarvái jus geigejit guittiid main lea bāŋkoduođaštus ahte leat máksjuvvon, dohkkehuvvon rehketdoalli duođaštus, dahje duođaštus registrerejuvvon dahje stáhtafápmuduvvon revisoras. Doarjagiin mat leat badjel 200 000 ruvno, galgá rehketdoallu čájehit ruđaid geavaheami, ja dan galgá stáhtafápmuduvvon dahje registrerejuvvon revisor duođaštit. Dát ii guoskka stáhtalaš fitnodagaide maid Riikarevišuvdna dárkkista.

Álggahanstipeandaid oktavuodas gusto dasa lassin čuovvovaš:

- Gávpebealli, márkandilít ja ekonomalaš dilít – dahje gávpeplána sáhtá deattuhuvvot.
- Doaimmat mat leat čađahuvvon stipeandaáigodagas.
- Konsuleantaveahkki. Gii lea veahkehan ja mo sii leat veahkehan.
- Vejolaš hehttehusat/váttisvuodát stipeandaáigodagas.
- Vejolaš čuolmmat viidásat ovddideami oktavuodas.

- Makkár veahkki stipeanddas lea leamaš.
- Prošeavtta/doaimma boađus/stáhtus.

Sámediggi ja Rikarevišuvdna sáhttet bearráigeahččat geavahuvvojit go ruđat eavttuid mielde, gč. juolludusnjuolggadusaid § 10 nuppi lađđasa ja riikarevišuvdnalága § 12 goalmát lađđasa.

Go muitala prošeavtta/ doaimma birra, de galgá doarjjaoažžu dieđihit ahte Sámediggi lea dorjon prošeavtta/ doaimma.

Doarjagis ruovttoluotta geassin ja sihkkun

Sámediggi sáhtta geassit doarjjalohpádusa ruovttoluotta, doallat doarjaga dahje gáibidit ahte doarjja máksjuvvo ruovttoluotta jos:

- doarjjaoažžu lea rihkkon dieđihangeaskku.
- doarjja ii geavahuvvo daid eavttuid mielde mat leat mearriduvvon doarjareivves.
- lea gáibiduvvon heaittiheapmi, ovddiduvvon reastaluvvangohčus, priváhta dahje almmolaš vealgešiehtadallamat leat rahppojuvvon doarjjaoažžu ektui dahje doarjjaoažžu heaitá máksimis máksámušaidis
- doarjjaoažžu eará láhkái stuorrát lea rihkkon dáid njuolggadusaid mearrádusaid.
- doarjjaoažžu ii jođit doaimma gustovaš lágaid ja njuolggadusaid vuodul, dás maddái divat- ja rehketoallolágaid vuodul.

Jos doarjjaoažžu dákkár oktavuodain ii mávsse ruovttoluotta, de sáhtta Sámediggi rievtti bokte gáibidit dan mii lea buorin máksjuvvot. Jos ruđat eai máksjuvvo ruovttoluotta áigemeari sisa mii lea biddjojuvvon, de sáhtta gáibidit manjoneami ovddas reanttuid vel lassin, gč. lága “lov 17. desember 1976 nr. 100 om renter ved forsinket betaling mv.”.

Jos ohcci ovdal lea ožžon doarjaga Sámedikkis ja doarjjaoažžu lea rihkkon doarjjaeavttuid de sáhtta dat dagahit dan ahte máksimat bissehuvvojit dassáži go eavttuid rihkkun lea nohkan. Muđui gusket njuolggadusat mat leat lágas ”Lov om foreldelse av fordringer (foreldelsesloven)”